



Inatsisartuni ilaasortaq,
Siverth K. Heilmann
Maani/

**§ 37 naapertorlugu apeqquteqaammut nr. 029_2020 tulukkanut naajanullu tunn-
gasumut akissuteqaat**

Ulloq: 19-02-2020
Suliap normua: 2020 - 3257
Akt normu: 13053738

Inatsisartut suleriaasissaanni § 37-mi imm. 1 naapertorlugu tulukkat naajallu isigaasa akilerneqartalernissaannut Naalakkersuisut pilersaaruteqarnersut pillugit apeqqummik Naalakkersuisunut nassiussaqaarsimavutit. Apeqqutit uanga suliassaqaarfisannut akisas-sannngortinneqaarsimavoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl


Apeqqut 1. *Tulukkat naajallu inoqarfinni ikilisarneqarnissaat inatsisartuni akuersis-suitigineqarnikuuvoq, qangatuulli tulukkat isigaasa akilerneqartarnerattuut aaqqiisoqanngilaq, akeqartitsinnaanerlu Naalakkersuisuniik pivi-usunngortinniarneqassanersoq paaserusuppara?*

Apeqqut 1-mut akissuteqaat: Inatsisartut UPA 2017-imi Imm. 71-imi aalajangerpaat Naalakkersuisut peqquneqassasut ukiuni tallimani misileraaffiusumi teriannissat, tulukkat aamma naajat eqqissisimatitaanerat atorunnaarsinneqarallarnissaanik.

Timmissanut nalunaarut tulukkat, naajarujussuit aamma naajarluit piniaqqusaannginnerat atorunnaarsitsinermik imalik novembarip aallaqqaataani 2019-mi atuutlerpoq taamaammallu tulukkat naajallu pineqartut inunnit inuussutissarsiutigalugu imaluunniit sunngiffimmi piniarnermut allagartalinnit ukioq kaajallallugu killeqanngitsumik piniar-neqaarsinnaalerput. Taassuma saniatigut piniaqqusaannginnermik atorunnaarsitsineq inoqarfiit, savaateqarfiit aamma qimmeqarfiit eqqaanni teriannissanut tunnngasoq ukiuni tallimani misileraaffiusuni aamma atuuppoq, takuuk Namminersorlutik Oqartussat terianniat illersugaanerat piniagaaneralu pillugit nalunaarutaat nr. 14, 18. oktober 2019-imeersoq. Taamaammatt Inatsisartuni aalajangiineq pineqartoq Aalisarnermut, Piniarnermut Nunalerinermullu Naalakkersuisoqarfiup ingerlateqqereepaa.

Timmissanut nalunaarummi nutaami § 29 malillugu kommunit kommuneni ileqqoreqqusanik aalajangersaasinnaanermut periarfissaqarput, soorlu aamma tulukkat naajallu isigaannut kommunenut ataasiakkaanut tunniunneqartartunut aningaasanik immikkoortitsinissaq. Taamaammatt kommunit ataasiakkaat tamanna aalajangigassarivaat aningaasaliiffigineqaarsinnaaneralu ilanngullugu. Naalakkersuisut tulukkat naajallu isigaan-nik katersuinissaq taakkunungalu akiliisalernissaq pilersaarutiginngilaat.

Inussiarnersumik inuulluaqqusillunga



Jens Immanuelson
Aalisarnermut, Piniarnermut Nunalerinermullu Naalakkersuisoq